



REPUBLIKA E SHQIPËRISË
PROKURORIA PRANË GJYKATËS SË SHKALLËS SË PARË TË JURIDIKSIONIT
TË PËRGJITHSHËM DIBËR

UDHËZIM I PËRGJITHSHËM

Nr. 35, datë 10.03.2025

PËR SHPENZIMET PROCEDURIALE PENALE NË PROKURORINË PRANË
GJYKATËS SË SHKALLËS SË PARË TË JURIDIKSIONIT TË PËRGJITHSHËM
DIBËR

Unë **Abaz MUÇA**, Drejtues i Prokurorisë pranë Gjykatës së Shkallës së Parë të Juridiksionit të Përgjithshëm Dibër, në mbështetje të neneve 42, shkronjave “a” dhe “g”, 43, shkronjës “dh”, 46, pikave 1, 2 dhe 4, 48 dhe 52, pikave 1 dhe 3, të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar, neneve 485-487 të Kodit të Procedurës Penale, të neneve 11, 12 e vijues të ligjit nr.111, të vitit 2017 “Për ndihmën juridike të garantuar nga shteti”, udhëzimit të Këshillit të Ministrave nr.4 datë 12.12.2012 “Për caktimin e masës së shpenzimeve dhe pagesave të ekspertëve dhe dëshmitarëve gjatë procesit gjyqësor”, të ndryshuar dhe udhëzimit të Ministrit të Drejtësisë nr.6 datë 20.08.2019 “Për rregullat dhe procedurat e kryerjes së pagesave e shpenzimeve gjyqësore, për të cilat është vendosur përjashtimi në rastet e dhënies së ndihmës juridike”, si dhe me qëllim lehtësimin e zbatimit të udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet proceduriale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet proceduriale penale në prokuroritë me juridiksion të përgjithshëm””¹,

U D H Ë Z O J:

KREU I
DISPOZITA TË PËRGJITHSHME

Neni 1
Qëllimi

Qëllimi i këtij udhëzimi të përgjithshëm është unifikimi i procedurave dhe tarifave për mënyrën e llogaritjes dhe dokumentimin e shpenzimeve proceduriale penale të parapaguara nga shteti në fazën e hetimeve paraprake në Prokurorinë pranë Gjykatës së Shkallës së Parë

¹ Shih nenin 46, pikën 4, të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

të Juridiksionit të Përgjithshëm Dibër, si dhe për marrjen e masave në zbatim të vendimeve gjyqësore për pagimin e detyrimeve të caktuara për shpenzimet procedurale penale.

Neni 2 Objekti

Objekt i këtij udhëzimi të përgjithshëm janë:

a) Standartizimi i procedurave dhe i tarifave për mënyrën e llogaritjes dhe dokumentimin e shpenzimeve procedurale penale, që parapagohen nga shteti, për veprimet procedurale të kryera sipas ligjit² nga prokurori ose oficeri i policisë gjyqësore në fazën e hetimeve paraprake.

b) Përcaktimi i shpenzimeve procedurale penale të tjera të dokumentuara rregullisht gjatë hetimeve paraprake.

c) Përcaktimi i mënyrës së administrimit të dokumentacionit dhe shpërblimit/pagesës për secilin subjekt nga zyra e financës në prokurori.

ç) Përcaktimi i masave dhe veprimeve procedurale që merren nga prokurori për: - kërkimin e sekuestros konservative në fazën e hetimeve paraprake, - kërkimin në diskutimet përfundimtare lidhur me disponimin e gjykatës për pagimin e shpenzimeve procedurale dhe - disponimin e prokurorit në urdhërin e ekzekutimit të vendimit gjyqësor penal të formës së prerë për shpenzimet procedurale penale.

Neni 3 Përkufizime

Në këtë udhëzim të përgjithshëm, termat/emërtimet kanë kuptimet si më poshtë:

1. “Shpenzime procedurale penale” janë shpenzimet e parapaguara nga shteti në të gjitha fazat e procedimit (*për këqyrjet, eksperimentet, ekspertimet, njoftimet, për mbrojtësin e caktuar kryesisht dhe çdo shpenzim tjetër i dokumentuar rregullisht*), për të cilët me vendimin përfundimtar të gjykatës i caktohet detyrimi për pagimin e shpenzimeve të parapaguara shtetit³.

2. “Shpenzime të dokumentuara rregullisht” janë, por pa u kufizuar vetëm tek to, shpenzimet dhe pagesat sipas tarifave e kriterëve të përcaktuara në akte nënligjore⁴ në fuqi, për

² Shih nenin 485, pikat 2 dhe 3, të Kodit të Procedurës Penale.

³ Shih nenin 485, pikën 2, të Kodit të Procedurës Penale.

⁴ Shih: - Udhëzimi i Këshillit të Ministrave nr.4 datë 12.12.2012 “Për caktimin e masës së shpenzimeve dhe pagesave të ekspertëve dhe dëshmitarëve gjatë procesit gjyqësor”, të ndryshuar.

- Udhëzimi i përbashkët i Ministrisë së Financave dhe i Ministrisë së Drejtësisë nr.3165, datë 12.05.2004 “Për kriteret dhe procedurat e përzgjedhjes së përkthyesve të jashtëm, tarifave e shpërblimit të përkthyesve të jashtëm dhe tarifave të përkthimit zyrtar që duhet të paguajnë të tretët”.

- Udhëzimi i përbashkët i Ministrisë së Financave dhe i Ministrisë së Drejtësisë nr.1134/1, datë 23.03.2006 dhe nr.1331/1, datë 16.03.2006 “Për miratimin e tarifave për veprimet dhe shërbimet që ofron Instituti i Mjekësisë Ligjore”.

- Urdhëri i Ministrisë së Rendit Publik nr.3644, datë 07.12.2001, bashkëlidhur shkresa nr.555, datë 09.10.2002, e Institutit të Policisë Shkencore (IPSH), së bashku me tarifave e ekspertimeve kriminalistike.

- Urdhëri i përbashkët i Ministrisë së Drejtësisë dhe Kryetarit të Dhomës Kombëtare të Avokatisë nr.1284/3, datë 16.03.2005 “Për miratimin e tarifave të shpërblimit të avokatëve për dhënien e ndihmës juridike”, F.Z nr.extra, datë 27.12.2007.

veprime dhe/ose shërbime të ofruara për përkthime, ekspertime, mbrojtje të detyrueshme nga shteti, njoftime dhe mbulimin e shpenzimeve të dëshmitarëve/deklaruesve dhe/ose të viktimave.

3. “Ndhimë juridike” është shërbimi juridik falas dhe janë shërbime të tjera të parashikuara në ligj⁵, për personat, që përmbushin kriteret ligjore⁶, të cilëve u garantohet/paguhet nga shteti.

4. “Përrjashtim nga tarifata dhe shpenzimet gjyqësore” është një formë e ndihmës juridike falas për përrjashtimin nga pagesa e tarifave dhe shpenzimeve gjyqësore ose procedurale penale, me vendim të organit procedurës/gjykatës kompetente, në rastet kur plotësohen kriteret ligjore⁷.

Neni 4

Parime për shpenzimet procedurale penale

1. Shpenzimet procedurale penale parapaguhën nga shteti, me përrjashtim të atyre të parashikuara me ligj.

2. Shpenzimet procedurale penale nuk mund t’i ngarkohen të pandehurit kur çështja pushohet me arsyetimin se del qartë se fakti nuk ekziston, fakti nuk parashikohet nga ligji si vepër penale, dhe i pandehuri nuk e ka kryer veprën penale.

3. Shpenzimet procedurale për përrsëritjen e akteve të deklaruara të pavlefshëm në fazën e hetimeve paraprake, kur fajti është i organit procedues (oficerit të policisë gjyqësore, prokurorit ose gjykatës), nuk mund t’i ngarkohet të pandehurit.

KREU II

SHPENZIMET E DOKUMENTUARA DHE TË VEÇANTA

Neni 5

Shpenzimet në hetimet paraprake

Në fazën e hetimeve paraprake, prokurorët dhe oficerët e policisë gjyqësore, për çdo procedim penal, administrojnë shpenzimet procedurale penale të dokumentuara rregullisht dhe llogarisin e administrojnë shpenzimet procedurale për veprime dhe/ose shërbime të veçanta të ofruara sipas llojeve, të cilët parapaguhën nga shteti, sipas tarifave dhe kriterëve të përcaktuara në ligj⁸, aktet nënligjore, në udhëzimin e përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”” dhe në këtë udhëzim.

⁵ Shih nenin 8 e vijues të ligjit nr.111, të vitit 2017 “Për ndihmën juridike të garantuar nga shteti”.

⁶ Shih nenet 11, 12 e vijues të ligjit nr.111, të vitit 2017 “Për ndihmën juridike të garantuar nga shteti”.

⁷ Shih nenet 25, 26, 27 dhe 28 të ligjit nr.111, të vitit 2017 “Për ndihmën juridike të garantuar nga shteti”.

⁸ Shih nenin 485, pikat 1 dhe 2, të Kodit të Procedurës Penale.

SEKSIONI I PARË SHPENZIMET E DOKUMENTUARA

Neni 6

Shpenzimet për këqyrjet

Në shpenzimet për këqyrjet përfshihen shpenzimet e dokumentuara që janë kryer për këqyrjet e vendeve, përfshirë vendin e ngjarjes, këqyrjet e personave, sendeve dhe kufomave⁹.

Neni 7

Shpenzimet për eksperimentet

Në shpenzimet për eksperimentet përfshihen shpenzimet e dokumentuara që janë kryer për eksperimentet lidhur me verifikimin e mundësisë së të parit, dëgjimit ose kryerjes së disa veprimeve të caktuara¹⁰ rast pas rasti, siç mund të jenë verifikimi i mekanizmit të kryerjes së veprës penale në vendin e ngjarjes apo përcaktimi i drejtimit të qitjes në vendin e ngjarjes për vepra penale të kryera me armë zjarri dhe veprime hetimore të tjera sipas metodikave të veçanta në kryerjen e eksperimentit.

Neni 8

Shpenzimet për ekspertimet

1. Në shpenzimet për ekspertimet e dokumentuara përfshihen:

a) Shpenzimet për ekspertimet kriminalistike që janë kryer, të llogaritur sipas llojit, mbështetur në tarifatat e ekspertimeve kriminalistike të Institutit të Policisë Shkencore (IPSH) në fuqi¹¹, bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””.

b) Shpenzimet për shërbimet mjeko-ligjore që janë kryer, të llogaritur sipas llojit, mbështetur në tarifatat e shërbimeve mjeko-ligjore të Institutit të Mjekësisë Ligjore (IML) në fuqi¹², bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë

⁹ Shih nenet 198-201 të Kodit të Procedurës Penale.

¹⁰ Shih nenet 176-177 të Kodit të Procedurës Penale.

¹¹ Shih urdhërin e Ministrit të Rendit Publik nr.3644, datë 07.12.2001, bashkëlidhur shkresa nr.555, datë 09.10.2002, e Institutit të Policisë Shkencore (IPSH), së bashku me tarifatat e ekspertimeve kriminalistike, në fuqi.

¹² Shih udhëzimin e përbashkët të Ministrisë së Financave dhe të Ministrisë së Drejtësisë nr.1134/1, datë 23.03.2006 dhe nr.1331/1, datë 16.03.2006 “Për miratimin e tarifave për veprimet dhe shërbimet që ofron Instituti i Mjekësisë Ligjore”.

19.05.2020 “Për shpenzimet procedurale penale në prokuroritë me juridiksion të përgjithshëm””.

c) Shpenzimet e ekspertimit të mbrojtjes kundër zjarrit (MKZ) që janë kryer, të llogaritur sipas llojit, mbështetur në tarifatat e shërbimeve që ofrohen nga Shërbimi i Mbrojtjes nga Zjarri dhe Shpëtimin në fuqi¹³, bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””.

ç) Shpenzimet e çdo lloji ekspertimi tjetër më fusha të posaçme teknike, shkencore ose kulturore sipas tarifave të përcaktuara për kryerjen e tyre.

Neni 9

Shpenzimet për njoftimet

Në shpenzimet për njoftimet¹⁴ përfshihen shpenzimet e dokumentuara për njoftimin e deklaruesit, viktimës, ekspertit, perkthyesit, paditësit civil në procesin penal, të pandehurit, personit nën hetim (person fizik apo person juridik), si dhe mbrojtësit, në format dhe/ose nga organet përkatëse nëpërmjet:

- a) Shërbimit postar;
- b) Telefonit të bërë nga sekretaria e prokurorisë ose nga policia gjyqësore e shoqëruar me aktin përkatës;
- c) Letër rekomandes me lajmërim marrje, brenda ose jashtë vendit;
- ç) Shpalljes publike, brenda apo jashtë vendit ose afishimit në faqen elektronike të Qendrës Kombëtare të Biznesit për persona juridik;
- d) Njoftimit nga policia gjyqësore në vendbanimin apo qëndrimin, ose në vendin e punës apo në selinë e personit juridik;
- dh) Njoftimit nga ministria përgjegjëse për punët e jashtme i personave të huaj që gëzojnë imunitet.

Neni 10

Shpenzimet për mbrojtjen e detyrueshme

1. Në shpenzimet për avokatët në rastet kur kërkohet mbrojtja e detyrueshme e paguar nga shteti, përfshihen shpenzimet e dokumentuara rregullisht:

¹³ Shih vendimin e Këshillit të Ministrave (VKM) nr.607, datë 29.07.2020 “Për tarifatat për llojet e shërbimeve që ofrohen nga Shërbimi i Mbrojtjes nga Zjarri dhe Shpëtimin”.

¹⁴ Shih nenet 132, 133, 134, 135, 137, 138, 140, 140/a, 142, pikën 1 e vijues të Kodit të Procedurës Penale.

a) Për shërbimet e kryera nga mbrojtësi i caktuar/zgjedhur sipas ligjit¹⁵ nga organi procedues, në listën e vënë në dispozicion nga Dhoma e Avokatisë, sipas tarifave në fuqi¹⁶ të shërbimit për shqyrtimin e shkresave/akteve procedurale dhe mbrojtjen e detyrueshme të pandehurit apo personit nën hetim ose për ndihmën juridike falas të viktimës¹⁷.

2. Shërbimet e kryera nga avokatët e përfshirë në listën e miratuar nga Dhoma Kombëtare e Avokatisë, të cilët sipas ligjit¹⁸, ofrojnë ndihmë juridike detyësore në fazën e hetimeve, për kategoritë e veçanta ose për përfitues me të ardhura/pasuri të pamjaftueshme.

¹⁵ Shih nenet 49, pikën 1, shkronjat “b”, “c”, “ç”, “dh”, “e”, “ë”, pikat 2 dhe 3 dhe 58, pikën 1, shkronjën “c”, të Kodit të Procedurës Penale.

¹⁶ Shih urdhërin e përbashkët të Ministrisë së Drejtësisë dhe Kryetarit të Dhomës Kombëtare të Avokatisë nr. 1284/3, datë 16.03.2005 “Për miratimin e tarifave të shpërblimit të avokatëve për dhënien e ndihmës juridike”.

¹⁷ Shih urdhërin e përbashkët të Ministrisë së Drejtësisë dhe Kryetarit të Dhomës Kombëtare të Avokatisë nr. 1284/3, datë 16.03.2005 “Për miratimin e tarifave të shpërblimit të avokatëve për dhënien e ndihmës juridike”.

¹⁸ Shih nenin 49, pikën 7 dhe nenin 49/a të Kodit të Procedurës Penale në lidhje me ligjin nr. 111, të vitit 2017 “Për ndihmën juridike të garantuar nga shteti”, i cili në nenet 18, 19, pikën 1, 20, pikën 1 dhe 21 parashikon:

- Neni 18 “Dhënia e ndihmës juridike detyësore” parashikon: “*Ndihma juridike detyësore jepet nga avokatët që përfshihen në listën e miratuar nga Dhoma Kombëtare e Avokatisë, në bazë të kërkesës së personit që gëzon të drejtën për përfitimin e ndihmës juridike detyësore, sipas neneve 11 ose 12, të këtij ligji. Kërkesa hartohet sipas formularit të kërkesës, të miratuar nga Ministri i Drejtësisë.*”.

- Neni 19 “Kërkesa për ndihmë juridike detyësore”, në pikën 1, parashikon: “*1. Kërkesa për dhënien e ndihmës juridike detyësore paraqitet nga personi i interesuar personalisht ose me anë të shërbimit postar pranë gjykatës ose organit procedues që fillon hetimet, përpara fillimit të një procesi gjyqësor, në fillim të një procesi gjyqësor dhe/ose në çdo fazë të procesit gjyqësor, derisa nuk është deklaruar i mbyllur hetimi gjyqësor, sipas rregullave të parashikuara në legjislacionin procedural.*”.

- Neni 20 “Paraqitja e kërkesës për ndihmë juridike detyësore dhe organi kompetent për shqyrtimin e saj”, në pikën 2, parashikon: “*2. Kërkesa për ndihmë juridike detyësore e të pandehurit pa mjete të mjaftueshme financiare paraqitet pranë organit procedues që fillon hetimet, sipas nenit 21 të këtij ligji.*”.

- Neni 21 “Procedura e dhënies së ndihmës juridike detyësore të pandehurit pa mjete të mjaftueshme financiare” parashikon:

“*1. Në rast se kërkesa për ndihmë juridike detyësore paraqitet nga i pandehuri pa mjete të mjaftueshme financiare, organi procedues që fillon hetimet shqyrton menjëherë nëse përmbushen kriteret e përcaktuara në nenin 12 të këtij ligji.*

2. Nëse organi procedues që fillon hetimet vlerëson se kriteret janë përmbushur, cakton menjëherë një avokat mbrojtës nga lista e avokatëve që ofrojnë shërbimet e ndihmës juridike detyësore dhe njofton menjëherë personin, të cilit i ofrohet ndihmë juridike detyësore, si dhe avokatin e caktuar mbrojtës.

3. Vendimi për pranimin ose rrëzimin e kërkesës për ndihmë juridike detyësore jepet i arsyetuar dhe i njoftohet kërkuarit dhe Drejtorisë së Ndihmës Juridike Falas.

4. Kërkuari mund ta kundërshtojë vendimin e organit procedues për rrëzimin e kërkesës për ndihmë juridike detyësore, me padi në gjykatën penale të shkallës së parë, kompetente për shqyrtimin e çështjes në themel, brenda 5 ditëve nga marrja e vendimit.

5. Gjykata shqyrton çështjen me një gjyqtar, sipas rregullave të parashikuara në legjislacionin procedural, brenda 15 ditëve nga regjistrimi i çështjes. Kundër këtij vendimi lejohet ankimi i veçantë në gjykatën e apelit brenda 5 ditëve nga marrja e vendimit. Gjykata e apelit e shqyrton ankimin në dhomë këshillimi brenda 10 ditëve nga data e marrjes së akteve.

6. Këshilli i Lartë i Prokurorisë miraton rregullat dhe procedurat që ndiqen nga organi procedues që fillon hetimet, për caktimin mbi bazë të parimit të rotacionit të avokatit mbrojtës dhe zëvendësimin e tij nga lista e avokatëve që ofrojnë shërbimet e ndihmës juridike detyësore në procesin penal.

7. Rregulla të hollësishme që lidhen me garantimin e mbrojtjes së detyrueshme nga institucionet e parashikuara në këtë ligj, sipas parashikimeve të Kodit të Procedurës Penale, miratohen nga Këshilli i Lartë i Prokurorisë.”.

Neni 11

Shpenzimet për rastet e dhënies së ndihmës juridike falas

1. Në shpenzimet për dhënien e ndihmës juridike falas që i afrohet kategorive të veçanta¹⁹ ose përfituesve me të ardhura/pasuri të pamjaftueshme²⁰ përfshihen pagesat e shpenzimeve të dokumentuara rregullisht për dëshmitarët, ekspertët, psikologët, përkthyesit dhe për këqyrjen e sendeve ose këqyrjen në vend, sipas përcaktimeve në ligj²¹ dhe aktet nënligjore²².

¹⁹ Shih nenin 11 “Kategoritë e veçanta të përfituesve të ndihmës juridike” të ligjit nr.111, të vitit 2017 “Për ndihmën juridike të garantuar nga shteti”, me përmbajtjen si më poshtë vijon:

“Ndhma juridike i ofrohet personave të mëposhtëm, pavarësisht të ardhurave dhe pasurisë së tyre:

a) viktimave të dhunës në familje;

b) viktimave të abuzuar seksualisht dhe viktimave të trafikimit të qenieve njerëzore, në çdo fazë të procedimit penal;

c) viktimave të mitur dhe të miturve në konflikt me ligjin, në çdo fazë të procedimit penal;

ç) fëmijëve, të cilët jetojnë në institucionet e përkujdesjes shoqërore;

d) fëmijëve nën kujdestari, të cilët kërkojnë të nisin një proces pa miratimin e kujdestarit të tyre ligjor ose kundër kujdestarit të tyre ligjor,

dh) personave që përfitojnë nga pagesa për aftësinë e kufizuar, në përputhje me legjislacionin në fuqi për ndihmën dhe shërbimet shoqërore, duke përfshirë edhe personat që përfitojnë nga statusi i të verbrit;

e) personave, të cilët i nënshtrohen trajtimit të pavullnetshëm në institucionet e shërbimit të shëndetit mendor, sipas dispozitave të legjislacionit në fuqi për shëndetin mendor;

ë) personave, të cilët i nënshtrohen trajtimit vullnetar në institucionet e shërbimit të shëndetit mendor për sëmundjet e rënda mendore;

f) personave, ndaj të cilëve kërkohet heqja ose kufizimi i zotësisë për të vepruar, në çdo fazë të këtij procesi;

g) personave, të cilëve u është hequr ose kufizuar zotësia për të vepruar, që kërkojnë të nisin një proces kundër kujdestarit të tyre ligjor, për rifitimin e zotësisë për të vepruar, pa miratimin e kujdestarit ligjor,

gj) personave, të cilët janë përfitues të skemave të mbrojtjes sociale;

h) personave, të cilëve u është cenuar e drejta nëpërmjet një veprimi ose mosveprimi që përbën diskriminim, bazuar në vendimin e organit kompetent, sipas legjislacionit në fuqi për mbrojtjen nga diskriminimi.”

²⁰ Shih nenin 12 “Përfituesit e ndihmës juridike me të ardhura dhe pasuri të pamjaftueshme” të ligjit nr.111, të vitit 2017 “Për ndihmën juridike të garantuar nga shteti”, me përmbajtjen si më poshtë vijon:

“1. Të drejtën për të përfituar ndihmë juridike e ka çdokush që provon se ka të ardhura dhe pasuri të pamjaftueshme për të përballuar shpenzimet për këshillim, përfaqësim dhe/ose mbrojtje në çështjet penale, në çështjet administrative dhe në çështjet civile.

2. Të ardhurat e një personi, i cili jeton në një familje, konsiderohen të pamjaftueshme, sipas kuptimit të pikës 1, të këtij neni, nëse të ardhurat në total të të gjithë pjesëtarëve të familjes, të pjesëtuara për numrin e anëtarëve të familjes, janë më të ulëta se 50 për qind e pagës minimale mujore të përcaktuara sipas legjislacionit në fuqi.

3. Të ardhurat e një personi, i cili nuk jeton në një familje, konsiderohen të pamjaftueshme, sipas kuptimit të pikës 1, të këtij neni, nëse janë më të ulëta se niveli i pagës minimale mujore të përcaktuara sipas legjislacionit në fuqi.

4. Nëse një person, i cili jeton në një familje, kërkon ndihmë juridike dytësore për një çështje kundër një anëtarit tjetër të së njëjtës familje, rregullisht i parashikuar në pikën 2, të këtij neni, nuk do të zbatohet. Në këtë rast, të ardhurat e këtij personi konsiderohen të pamjaftueshme, sipas pikës 1, të këtij neni, nëse janë më të ulëta se niveli i pagës minimale të përcaktuara sipas legjislacionit në fuqi.

5. Pasuria e një personi konsiderohet e pamjaftueshme, sipas pikës 1, të këtij neni, nëse vlera e saj në total nuk tejkalon vlerën e 36 pagave minimale mujore sipas legjislacionit në fuqi.”

²¹ Shih nenin 485 të Kodit të Procedurës Penale dhe nenet 11, 12, 24 e vijues të ligjit nr.111, të vitit 2017 “Për ndihmën juridike të garantuar nga shteti”.

²² Shih udhëzimin e Ministrit të Drejtësisë nr.6, datë 20.08.2019 “Për rregullat dhe procedurat e kryerjes së pagesave të shpenzimeve gjyqësore, për të cilat është vendosur përjashtimi në rastet e dhënies së ndihmës juridike”.

2. Pagesat, në rastet kur gjykata ka vendosur përjashtimin nga pagesa e shpenzimeve procedurale në zbatim të ligjit²³, kryhen nga Drejtoria e Ndhmës Juridike Falas²⁴, sipas rregullave dhe procedurës së përcaktuar në udhëzimin përkatës të Ministrit të Drejtësisë nr.6, datë 20.08.2019 “Për rregullat dhe procedurat e kryerjes së pagesave të shpenzimeve gjyqësore, për të cilat është vendosur përjashtimi në rastet e dhënies së ndihmës juridike”²⁵.

SEKSIONI I DYTË SHPENZIMET DHE PAGESAT E EKSPERTËVE²⁶

Neni 12

Kriteret e përcaktimit të shpenzimeve dhe pagesave të ekspertëve

1. Në fazën e hetimeve paraprake, prokurori ose oficeri i policisë gjyqësore, thërret ekspertë në një procedim penal, mbështetur në të dhënat e Regjistrimit Elektronik të Ekspertëve²⁷, që administron dhe vë në dispozicion Ministria e Drejtësisë, sipas kriteve të përcaktuara me aktin normativ përkatës²⁸.

2. Prokurori ose oficeri i policisë gjyqësore thërret ekspertë jashtë Regjistrimit Elektronik të Ekspertëve, në rastet kur për nevoja të procesit, eksperti nevojitet nga fusha të veçanta ekspertize, për të cilat ligji nuk parashikon licensimin e tyre²⁹.

3. Caktimi i shpenzimeve që u takojnë ekspertëve bëhet në bazë të kushteve të mëposhtme:

a) Kur eksperti banon në një largësi deri në 100 km nga Prokuroria pranë Gjykatës së Shkallës së Parë të Juridiksionit të Përgjithshëm Dibër ose policia gjyqësore ku është thirrur për të kryer ekspertizën, trajtimi financiar i tij përfshin vetëm shpenzimet e transportit, kundrejt dokumentit tatimor përkatës, në bazë të legjislacionit në fuqi për procedurat tatimore.

b) Kur eksperti banon në një largësi mbi 100 km nga Prokuroria pranë Gjykatës së Shkallës së Parë të Juridiksionit të Përgjithshëm Dibër ose policia gjyqësore ku është thirrur për të kryer ekspertizën, atij i përballohen shpenzimet e mëposhtme:

i) Dietë ditore, jo më shumë se 2.500 (dy mijë e pesëqind) lekë në ditë, kur ekspertiza zgjat më shumë se një ditë. Për efekt të llogaritjes së dietës, në këtë rast, data e nisjes dhe ajo e kthimit llogariten një ditë e plotë;

²³ Shih nenet 11, 12, 25 e vijues të ligjit nr.111, të vitit 2017 “Për ndihmën juridike të garantuar nga shteti”.

²⁴ Shih nenin 8 të ligjit nr.111, të vitit 2017 “Për ndihmën juridike të garantuar nga shteti”.

²⁵ Shih udhëzimin e Ministrit të Drejtësisë nr.6, datë 20.08.2019 “Për rregullat dhe procedurat e kryerjes së pagesave të shpenzimeve gjyqësore, për të cilat është vendosur përjashtimi në rastet e dhënies së ndihmës juridike”.

²⁶ Shih udhëzimin e Këshillit të Ministrave nr.4 datë 12.12.2012 “Për caktimin e masës së shpenzimeve dhe pagesave të ekspertëve dhe dëshmitarëve gjatë procesit gjyqësor”, të ndryshuar.

²⁷ Shih udhëzimin e Ministrit të Drejtësisë nr.10619, datë 19.10.2018 “Për krijimin, administrimin dhe vënien në dispozicion për publikun të Regjistrimit Elektronik për Ekspertët” të ndryshuar.

²⁸ Shih pikën 3, të ndarjes I, të udhëzimit të Këshillit të Ministrave nr.4 datë 12.12.2012 “Për caktimin e masës së shpenzimeve dhe pagesave të ekspertëve dhe dëshmitarëve gjatë procesit gjyqësor”, të ndryshuar.

²⁹ Shih pikën 4, të ndarjes I, të udhëzimit të Këshillit të Ministrave nr.4 datë 12.12.2012 “Për caktimin e masës së shpenzimeve dhe pagesave të ekspertëve dhe dëshmitarëve gjatë procesit gjyqësor”, të ndryshuar.

ii) Shpenzimet e fjetjes, kundrejt dokumentit tatimor përkatës, në bazë të legjislacionit në fuqi për procedurat tatimore, të paraqitur nga hoteli e të shoqëruar me kuponin tatimor, por jo më shumë se 3.000 (tre mijë) lekë, për çdo natë;

iii) Shpenzimet e transportit, kundrejt dokumentit tatimor përkatës, në bazë të legjislacionit në fuqi për procedurat tatimore, por jo më shumë se tarifa përkatëse, sipas distancës kilometrike të linjës, të miratuar me vendimin e Këshillit të Ministrave nr.66, datë 27.02.2007 “Për ndryshimin e tarifave të transportit të udhëtarëve”, të ndryshuar.

4. Pagesa për punën e kryer për ekspertimin nga eksperti i licencuar nuk mund të tejkalojë shumën 40.000 (dyzet mijë) lekë.

5. Në rastet kur eksperti caktohet nga gjykata në cilësinë e organit procedues, shpenzimet procedurale penale parapaguhën nga gjykata përkatëse.

Neni 13

Kriteret për caktimin e tarifave orare tavan për ekspertime komplekse

1. Në rastet kur eksperti nevojitet nga fusha të veçanta ekspertize, për të cilat ligji nuk parashikon licencimin e tyre, në llogaritjen e shpenzimeve dhe pagesave të ekspertëve, zbatohen kriteret e përcaktuara në nenin 12 të udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””.

2. Në rastet e kryerjes së ekspertimeve komplekse, që lidhet me nivelin e rëndësisë, vështirësisë dhe pritshmërisë së ekspertimit në ecurinë e hetimeve, ushtrimit të ndjekjes penale dhe zgjidhjes ligjore të çështjes ose me kategori ekspertimesh të përzier (miks) apo me volumin akteve/dokumenteve objekt verifikimi, shqyrtimi e vlerësimi nga ekspertët, për llogaritjen e pagesës të ekspertit/ekspertëve ose caktimin e tarifave orare, krahas kriterëve të përcaktuara në nenin 12 të udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””, vlerësohen tarifat orare nëse ato janë të përcaktuara në aktet ligjore/nënligjore në fuqi, numri i ekspertimeve të kryera në raste të ngjashme dhe kohëzgjatja e afatit të ekspertimit. Këto elementë, prokurori i çështjes, i vlerëson në konsultim në aspektin metodik/teknik me ekspertin e fushës në zbatim të udhëzimit të përgjithshëm të Prokurorit të Përgjithshëm nr.7, datë 13.05.2020 “Për rritjen e efektivitetit të veprimtarisë së shërbimit të ekspertizës”³⁰ dhe paraparakisht negocion me ekspertin/ekspertët e ftuar përkatës për formalizimin e një marrëveshje, duke synuar uljen e tarifës orare, marrëveshje e cila në aspektin administrativ/financiar vlerësohet nga Drejtuesi i pranë Gjykatës së Shkallës së Parë të Juridiksionit të Përgjithshëm Dibër dhe mund të

³⁰ Shih udhëzimin e përgjithshëm të Prokurorit të Përgjithshëm nr.7, datë 13.05.2020 “Për rritjen e efektivitetit të veprimtarisë së shërbimit të ekspertizës”.

miratohet prej tij, pas konsultimit në aspektin financiar/buxhetor me nëpunësin zbatues të Prokurorisë pranë Gjykatës së Shkallës së Parë të Juridiksionit të Përgjithshëm Dibër, të cilët për këtë aspekt informojnë/kërkojnë dhe marrin pëlqimin e Sekretarit të Përgjithshëm në Prokurorinë e Përgjithshme.

3. Ekspertit që kryen ekspertime të veçanta dhe/ose komplekse nuk mund t'i caktohet për të ofruar ekspertizën e tij në më shumë se 30% të numrit të çështjeve për të cilat është kërkuar e njëjta lloj ekspertize brenda një viti kalendarik në Prokurorinë pranë Gjykatës së Shkallës së Parë të Juridiksionit të Përgjithshëm Dibër.

Neni 14

Dokumentacioni i kërkuar për shërbimin e ofruar nga eksperti

Eksperti i angazhuar për herë të parë është i detyruar që në Prokurorinë pranë Gjykatës së Shkallës së Parë të Juridiksionit të Përgjithshëm Dibër të dorëzojë dokumentet si më poshtë vijojnë:

- a) Certifikatën e regjistrimit të veprimtarisë;
- b) Certifikatën e numrit fiskal;
- c) Kopjen e llogarisë bankare në emër të ekspertit, sipas rastit person fizik ose person juridik;
- ç) Kopjen e letërnjoftimit;
- d) Kopjen e licensës apo dokumentacioni që vërteton njohuritë e ekspertit në fushën përkatëse.

Neni 15

Urdhëri për shpërblimin e ekspertit

1. Pas përfundimit të ekspertimit, me dorëzimin e aktit të ekspertimit në sekretarinë e Prokurorisë pranë Gjykatës së Shkallës së Parë të Juridiksionit të Përgjithshëm Dibër, prokurori i çështjes nxjerr urdhërin për shpërblimin e ekspertit të caktuar.

2. Urdhëri i shpërblimit nënshkruhet nga prokurori i çështjes dhe Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër.

Neni 16

Fatura shoqëruese e urdhërit

1. Fatura e ekspertit duhet të përmbajë të dhëna:
 - a) numrin e faturës;
 - b) datën e faturës;
 - c) emrin e lëshuesit të faturës (emri i ekspertit ose emri i biznesit);
 - ç) numrin e llogarisë bankare në emër të ekspertit ose në emër të biznesit të ekspertit;
 - d) numrin fiskal të biznesit;
 - dh) emrin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, shërbimin e ofruar dhe numrin e çështjes;

2. Fatura që të jetë e zbatueshme duhet të jetë e nënshkruar dhe e vulosur, me ngjyrë të kaltër (vula duhet të jetë në emër të ekspertit ose në emër të biznesit), e pastër dhe jo e korrigjuar.

SEKSIONI I TRETË SHPENZIMET PËR DEKLARUESIT OSE VIKTIMAT

Neni 17

Kriteret e përcaktimit të shpenzimeve dhe pagesave për deklaruesit ose viktimat

1. Në fazën e hetimeve paraprake, prokurori ose oficeri i policisë gjyqësore thërret dhe pyet shtetas në cilësinë e personit që ka dijeni për veprën penale (deklarues) ose në cilësinë e viktimës, të cilët kanë të drejtë për mbulimin e shpenzimeve për deklarimet e dhëna nga ana e tyre.

2. Caktimi i shpenzimeve, që u takon deklaruesve, bëhet, si më poshtë vijon:

a) Kur deklaruesi/viktima banon në një largësi deri në 100 km nga Prokuroria pranë Gjykatës së Shkallës së Parë të Juridiksionit të Përgjithshëm Dibër ose policia gjyqësore ku është thirrur për të dhënë shpjegime në cilësinë e personit që kanë dijeni për veprën penale, mbulimi i shpenzimeve të përfshijë vetëm shpenzimet e transportit, kundrejt dokumentit tatimor përkatës, por jo më shumë se tarifata përkatëse sipas distancës kilometrike të linjës, të miratuar me vendimin e Këshillit të Ministrave (VKM) nr.307, datë 20.07.1992 “Për ndryshimin e tarifave të transportit të udhëtarëve”, bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””.

b) Kur deklaruesi banon në një largësi mbi 100 km nga Prokuroria pranë Gjykatës së Shkallës së Parë të Juridiksionit të Përgjithshëm Dibër ose policia gjyqësore ku është thirrur për të deklaruar, atij i përballohen shpenzimet e mëposhtme:

i) Dietë ditore, në masën jo më shumë se 2.500 (dy mijë e pesëqind) lekë në ditë;

ii) Shpenzimet e fjetjes, kundrejt dokumentit tatimor përkatës, në bazë të legjislacionit në fuqi për procedurat tatimore, të paraqitur nga hoteli e të shoqëruar me kuponin tatimor, por jo më shumë se 3000 (tre mijë) lekë, për çdo natë;

iii) Shpenzimet e transportit, kundrejt dokumentit tatimor përkatës, në bazë të legjislacionit në fuqi për procedurat tatimore, por jo më shumë se tarifa përkatëse, sipas distancës kilometrike të linjës, të miratuar me vendimin e Këshillit të Ministrave (VKM) nr.307, datë 20.07.1992 “Për ndryshimin e tarifave të transportit të udhëtarëve”.

c) Kur deklaruesi largohet nga vendi i punës, shpërblehet në vlerë të barabartë me pagën ditore të ndërprerë. Shpërblimi kërkohet nga deklaruesi me anë të paraqitjes së një dokumenti me karakter vërtetues të vendit të punës dhe vlerës së pagës.

3. Nuk gëzojnë të drejtën e pagesës për deklarimet e dhëna të dënuarit gjatë vuajtjes së dënimit apo të paraburgosurit në institucionet e ekzekutimit të vendimeve penale.

Neni 18

Dokumentacioni dhe urdhëri për shpërblimin e deklaruesit/viktimës

1. Deklaruesi dhe/ose viktimja brenda 15 (pesëmbëdhjetë) ditëve nga dita e veprimit procedural për të cilin është kërkuar prezenca, paraqet pranë prokurorit të çështjes dokumentet tatimore për shërbimet e ofruara dhe sipas rastit, dokumentacionin vërtetues, si më poshtë vijon:

- a) Fatura/bileta tatimore për shpenzimet e transportit;
- b) Fatura tatimore për shpenzimet e fjetjes;
- c) Dokumentacion ligjor me karakter vërtetues për vlerën e pagës të vendit të punës;

2. Mosparaqitja e dokumentave tatimore nga e ana e deklaruesit/viktimës sipas përcaktimeve të legjislacionit për tatimet përbën shkak për moskryerjen e pagesës.

3. Prokurori i çështjes urdhëron kompensimin, i cili miratohet me nënshkrimin e Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Dibër.

SEKSIONI I KATËRT

DOKUMENTIMI I SHPENZIMEVE PËR MBROJTJEN E DETYRUESHME

Neni 19

Dokumentacioni për shpërblimin e mbrojtësit

Avokati mbrojtës me shpenzimet e shtetit që është i angazhuar për herë të parë është i detyruar që të dorëzojë në Prokurorinë pranë Gjykatës së Shkallës së Parë të Juridiksionit të Përgjithshëm Dibër dokumentet ligjore:

- a) Certifikata e regjistrimit të veprimtarisë dhe të avokatisë;
- b) Certifikata e numrit fiskal;
- c) Kopja e llogarisë bankare në emër të biznesit;
- d) Kopja e letërnjoftimit.

Neni 20

Urdhëri për shpërblimin

1. Pas përfundimit të seancës dhe/ose shqyrtimit të shkresave dhe akteve procedurale në Prokurorinë pranë Gjykatës së Shkallës së Parë të Juridiksionit të Përgjithshëm Dibër ose në policinë gjyqësore, prokurori i çështjes vlerëson dhe nxjerr urdhër për shpërblimin e mbrojtësit për shërbimin e ofruar për mbrojtjen e detyrueshme të pandehurit ose personit nën hetim ose të viktimës.

2. Urdhëri i shpërblimit nënshkruhet nga prokurori i çështjes dhe Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër.

Neni 21

Fatura shoqëruese e urdhërit

1. Fatura tatimore duhet të përmbajë këto të dhëna:

- a) numrin e faturës;
 - b) datën e faturës;
 - c) emrin e lëshuesit të faturës (emri i zyrës ose emri i biznesit ose emri i avokatit);
 - ç) numrin e llogarisë bankare në emër të avokatit ose në emër të biznesit ose në emër të zyrës së avokatit;
 - d) numrin fiskal të avokatit ose biznesit;
 - dh) emrin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, shërbimin e ofruar dhe numrin e çështjes;
2. Fatura që të jetë e rregullt/zbatueshme duhet të jetë e nënshkruar dhe e vulosur, me ngjyrë të kaltër (vula duhet të jetë në emër të avokaturës ose në emër të biznesit), e pastër dhe jo e korrigjuar.

SEKSIONI I PESTË SHPENZIMET PËR PËRKTHYESIT

Neni 22

Shpenzimet për përkthyesit

1. Pagesat për përkthyesit e jashtëm të miratuar të Ministrisë së Drejtësisë në zbatim të udhëzimit të përbashkët të Ministrit të Drejtësisë dhe Ministrit të Financave në fuqi³¹ caktohen dhe përllogariten në bazë faqesh.

2. Në rastet kur përkthyesi do të thirret për t'u paraqitur në Prokurorinë pranë Gjykatës së Shkallës së Parë të Juridiksionit të Përgjithshëm Dibër ose në policinë gjyqësore për të kryer shërbime përkthimi, krahas pagesës për përkthim, u mbulohen edhe shpenzimet ditore në të njëjtën masë, referuar në kriteret për shpenzimet dhe pagesat e ekspertëve dhe deklaruesve/viktimave të normuara në udhëzimin e përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”” dhe në këtë udhëzim.

Neni 23

Nevojat e ngutshme

Në raste të veçanta dhe për nevoja të ngutshme, me autorizim të Drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Dibër, mund të realizohet pagesa sipas tarifave të parashikuara në udhëzimin e përbashkët të Ministrisë së Financave dhe Ministrisë së Drejtësisë në fuqi, edhe për përkthyesit, të cilët nuk janë përfshirë në listën e përkthyesve të jashtëm të miratuar nga Ministri i Drejtësisë.

³¹ Shih udhëzimin e përbashkët të Ministrisë së Financave dhe të Ministrisë së Drejtësisë nr.3165, datë 12.05.2004 “Për kriteret dhe procedurat e përzgjedhjes së përkthyesve të jashtëm, tarifat e shpërblimit të përkthyesve të jashtëm dhe tarifat e përkthimit zyrtar që duhet të paguajnë të tretët”, të ndryshuar, në fuqi.

Neni 24

Shpërblimi i përkthyesit

Përkthyesi shpërblehet për:

- a) Përkthimin e shkresave dhe akteve procedurale, sipas tarifave për faqe/lekë;
- b) Përkthimin në seancën e pyetjes të pandehurit, personit nën hetim, deklaruesit, viktimës sipas kërkesave ligjore të prokurorit ose oficerit të policisë gjyqësore, sipas tarifave orë/lekë.

Neni 25

Dokumentacioni për shpërblimin e përkthyesit

Përkthyesi i angazhuar për herë të parë është i detyruar që në Prokurorinë pranë Gjykatës së Shkallës së Parë të Juridiksionit të Përgjithshëm Dibër të dorëzojë dokumentet si më poshtë vijon:

- a) Certifikatën e regjistrimit të veprimtarisë përkthimit;
- b) Certifikatën e numrit fiskal;
- c) Kopjen e llogarisë bankare në emër të përkthyesit/biznesit;
- ç) Kopjen e letërnjoftimit.

Neni 26

Urdhëri për shpërblimin

1. Pas përfundimit të seancës apo përkthimit të shkresave/akteve procedurale, me dorëzimin e akteve/shkresave të përkthyer, prokurori i çështjes nxjerr urdhër për shpërblimin e përkthyesit të caktuar.

2. Urdhëri i shpërblimit nënshkruhet nga prokurori i çështjes dhe Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër.

Neni 27

Fatura shoqëruese e urdhërit

1. Fatura duhet t'i përmbajë këto të dhëna:

- a) numrin e faturës tatimore;
- b) datën e faturës;
- c) emrin e lëshuesit të faturës tatimore (emri i përkthyesit ose emri i biznesit);
- ç) numrin e llogarisë bankare në emër të përkthyesit ose në emër të biznesit;
- d) numrin fiskal të biznesit;
- dh) emrin e Prokurorisë pranë Gjykatës së Shkallës së Parë të Juridiksionit të Përgjithshëm Dibër, shërbimin e ofruar dhe numrin e çështjes;

2. Fatura që të jetë e rregullt/zbatueshme duhet të jetë e nënshkruar dhe e vulosur, me ngjyrë të kaltër (vula duhet të jetë në emër të përkthyesit ose në emër të biznesit), e pastër dhe jo e korrigjuar.

KREU III
ADMINISTRIMI I DOKUMENTACIONIT DHE PROCEDURA E
PAGESËS/SHPËRBLIMIT

Neni 28

Procedura për dorëzimin dhe administrimin e dokumentacionit për shpërblimet

1. Urdhërat e shpërblimit të plotësuar dhe të nënshkuara sipas parashikimeve në udhëzimin e përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”” dhe në këtë udhëzim nga, eksperti sipas kreut III, deklaruesi/viktima sipas kreut IV, avokati/mbrojtësi sipas kreut V dhe përkthyesi sipas kreut VI, së bashku me faturat përkatëse, secili i dorëzon tek Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër.

2. Dorëzimi i dokumentacionit për muajin paraardhës duhet të bëhet nga data 01 (një) deri më 05 (pesë) të muajit vijues. Përgjashtimisht, në rrethana të veçanta kur nuk është e mundur përmbushja e këtyre afateve për dorëzimin e dokumentacionit sipas normimit në pikën 1 të këtij neni, pagesa mund të realizohet me kërkesë të arsyetuar, me dhënien e pëlqimit/miratimit nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër.

3. Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër, pas kontrollit dhe verifikimit të të dhënave, përgatit tabelën përmbledhëse, për secilin subjekt, e cila nënshkruhet nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër, si dhe shefi i Zyrës së Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër. Tabela përmbledhëse dhe dokumentacioni përcjellës dorëzohet tek thesari i shtetit. Dorëzimi i tabelës me dokumentacionin e nevojshëm për muajin paraardhës bëhet deri më datën 10 të muajit vijues.

Neni 29

Procedura e shpërblimit/pagesës për secilin subjekt

1. Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër njofton secilin subjekt (ekspertin, deklaruesin/viktimën, avokatin/mbrojtësin e detyrueshëm, përkthyesin) për tërheqjen nga secili të pagesës/shpërblimit.

a) Njoftimi shoqërohet me një kopje të vertetimit të dhënë nga banka që konfirmon/vërteton kryerjen e pagesës.

b) Njoftimi bëhet brenda 5 (pesë) ditëve nga kryerja e pagesës, në rrugë postare, në rrugë elektronike, si dhe me çdo mënyrë tjetër të parashikuar nga legjislacioni në fuqi.

2. Pagesa/shpërblimi që i takon secilit subjekt bëhet nga fondi i caktuar në llogarinë përkatëse të Prokurorisë pranë Gjykatës së Shkallës së Parë të Juridiksionit të Përgjithshëm

Dibër, në zbatim të urdhërit të prokurorit të çështjes të miratuar nga Drejtuesi i Prokurorisë pranë Gjykatës së Shkallës së Parë të Juridiksionit të Përgjithshëm Dibër.

3. Në rastin kur limiti mujor është i pamjaftueshëm për likuidimin e plotë të shumës së shpërblimit për secilin ose ndonjërin subjekt, likuidimi shtyhet në muajin pasardhës, sipas radhës kronologjike të urdhërave të prokurorit të njoftuara dhe të plotësuara me dokumentacionin tatimor provues.

4. Në rast të mungesës së fondeve buxhetore për pagesën e të gjithë shpenzimeve të përlllogaritura, Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër kontabilizon çdo detyrim të mbartur, sipas përcaktimeve të legjislacionit në fuqi për kontabilitetin dhe pasqyrat financiare, si dhe planifikon fondet e nevojshme për shlyerjen e këtyre detyrimeve, për periudhat e ardhshme buxhetore.

Neni 30

Procesverbali për shpenzimet procedurale penale

1. Shpenzimet procedurale, të kryera në fazën e hetimeve paraprake, sipas zërave dhe llojeve të tyre, para përfundimit të hetimeve, përshkruhen në një akt përmbledhës “Procesverbal për shpenzimet procedurale në hetimet paraprake”, në zbatim të ligjit³², të udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”” dhe të këtij udhëzimi, i emërtuar, bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””, Aneksi Nr.1.

2. Në fashikullin e secilës çështje të dërguar me kërkesë për në gjykatë³³, vendoset/administrohet origjinali i “Procesverbalit për shpenzimet procedurale në hetimet paraprake” dhe aktet/dokumentet provuese.

3. Në fashikullin që mban prokurori, krahas akteve të tjera, vendoset dhe administrohet kopja e “Procesverbalit për shpenzimet procedurale në hetimet paraprake” dhe bashkëlidhur urdhërat e pagesave, faturat ose dokumente të tjera provuese të shpenzimeve procedurale, sipas listimit të zërave dhe llojeve në procesverbalin përkatës.

4. Një kopje e “Procesverbalit për shpenzimet procedurale në hetimet paraprake” administrohet në Zyrën e Financës të Prokurorisë pranë Gjykatës së Shkallës së Parë të Juridiksionit të Përgjithshëm, ku ndodhen dhe urdhër pagesa, fatura ose dokumente të tjera provuese të shpenzimeve procedurale, të dhëna të cilat sipas listimit të veprave penale, zërave dhe llojeve të shpenzimeve në procesverbalin përkatës, mbahen nga nëpunësi/specialist i

³² Shih nenet 115/1, 116, 485/ e vijues të Kodit të Procedurës Penale.

³³ Shih nenin 331 të Kodit të Procedurës Penale në lidhje me nenet 328, 329/a, 400, 406/a dhe 406/dh të Kodit të Procedurës Penale.

financës në “Regjistrin e shpenzimeve procedurale penale” sipas modelit lidhja nr.2, bashkëlidhur udhëzimit të përgjithshëm të Prokurorit të Përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm”, të ndryshuar me udhëzimin e përgjithshëm të Prokurorit të Përgjithshëm nr.6, datë 23.07.2021 “Për disa ndryshime e shtesa në udhëzimin e përgjithshëm nr.8, datë 19.05.2020 “Për shpenzimet procedurale penale në prokuroritë me juridiksion të përgjithshëm””.

KREU IV

DISPONIME TË TJERA TË PROKURORIT PËR SHPENZIMET PROCEDURIALE

Neni 31

Garantimi i pagimit të shpenzimeve procedurale

Për të garantuar pagimin e shpenzimeve procedurale, prokurori për secilin procedim/çështje që ka në ndjekje vlerëson kushtet/kriteret ligjore³⁴ dhe i kërkon gjykatës vendosjen e sekuestros konservative në pasurinë e të pandehurit/personit nën hetim dhe/ose të paditurit civil në procesin penal, për të garantuar që në fazën e hetimeve paraprahe pagimin e shpenzimeve procedurale të parapaguara nga shteti.

Neni 32

Disponimi i prokurorit në pushimin e çështjeve që ndiqen mbi ankim³⁵

1. Në përfundim të hetimeve, për kundërvajtjet penale që ndiqen mbi ankim, kur prokurori vendos pushimin e çështjes për shkak se fakti nuk ekziston³⁶ ose i pandehuri nuk e ka kryer, në pjesën arsyetuese dhe në dispozitivin e vendimit shprehet se i ngarkohen ankuesit detyrimi me pagimin e shpenzimeve procedurale të parapaguara nga shteti.

2. Në rastet kur vendoset pushimi i çështjes për shkak të tërheqjes së ankimit, prokurori i çështjes në pjesën arsyetuese dhe dispozitivin e vendimit, shprehet se i ngarkohet ankuesit shumën e shpenzimeve procedurale të parapaguara nga shteti, përveç se kur në aktin e tërheqjes është parashikuar me marrëveshje që shpenzimet procedurale janë tërësisht ose pjesërisht në ngarkim të personit kundër të cilit është bërë ankimi.

Neni 33

Kërkesa në shqyrtimin gjyqësor

1. Në përfundim të shqyrtimit gjyqësor, prokurori në konkluzionet përfundimtare, krahas kërkesave për deklarimin e fajësisë së të pandehurit dhe për caktimin e llojit dhe masës së

³⁴ Shih nenet 270 “Kushtet dhe efektet e masës” dhe 271 “Vendimi i gjykatës për sekuestron” të Kodit të Procedurës Penale lidhur me sekuestron preventive.

³⁵ Shih nenin 284 “Ankimi” e vijues të Kodit të Procedurës Penale.

³⁶ Shih nenin 398 “Detyrimi i ankuesit me shpenzimet dhe me dëmet” të Kodit të Procedurës Penale, i cili parashikon: “Kur gjykata vendos pafajësinë e të pandehurit për një vepër penale që ndiqet mbi ankim, sepse fakti nuk ekziston ose se i pandehuri nuk e ka kryer, ankuesi detyrohet me pagimin e shpenzimit të procedimit të bëra nga shteti, si dhe me shpenzimet dhe me shpërblimin e dëmit në dobi të të pandehurit dhe të paditurit civil.”.

dënimit, i parashtron gjykatës kërkesën edhe për detyrimin e të pandehurit/pandehurve dhe/ose të paditurit civil apo ankuesit, për të paguar shumën e shpenzimeve procedurale të parapaguara nga shteti³⁷.

2. Kundër vendimit të gjykatës që nuk pranon kërkesën për disponimin lidhur me shpenzimet procedurale të parapaguara nga shteti, prokurori mund të bëjë ankim në gjykatën më të lartë, sipas rasteve të parashikuara në ligj³⁸.

Neni 34

Ekzekutimi i vendimit penal të formës së prerë

Me marrjen formë të prerë vendimi gjyqësor penal, prokurori i cili urdhëron/disponon me urdhër për ekzekutimin e vendimeve penale, krahas disponimeve të tjera, në pjesën arsyetuese dhe në pjesën urdhëruese, përcakton zyrën e përmbarimit shtetëror përkatëse për ekzekutimin e detyrimit të vendosur nga gjykata³⁹ për shpenzimet procedurale të parapaguara nga ana e shtetit.

Neni 35

Ankimi për shpenzimet procedurale

Kundër vendimit gjyqësor penal të formës së prerë, të vënë në ekzekutim nga ana e prokurorit për shpenzimet procedurale, mund të ushtrojnë ankim të interesuarit ose mbrojtësit e tyre në gjykatën, që ka dhënë vendimin, e cila procedon sipas rregullave të përcaktuara në ligj⁴⁰.

Neni 36

Informimi për shpenzimet procedurale

1. Shpenzimet procedurale të parapaguara nga shteti raportohen periodikisht nga Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër, për çdo procedim penal, në shumën/vlerën totale në rubrikën përkatëse të Sistemit Elektronik të Menaxhimit të Çështjes, me fillimin e funksionimit të tij.

2. Zyra e Financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër raporton periodikisht shpenzimet procedurale të parapaguara nga shteti, sipas veprave penale e zërave përkatëse për çështjet e përfunduara dhe vlera/shuma totale e tyre, për periudhat 3, 6, 9 mujore e vjetore, në Drejtorinë e Ekonomisë dhe Financës në Prokurorinë e Përgjithshme.

³⁷ Shih nenet 378 “Zhvillimi i diskutimit”, 485 “Shpenzimet e bëra nga shteti”, pikën 3, me përmbajtjen si vijon: “Në vendimin përfundimtar gjykata cakton detyrimin për pagimin e shpenzimeve të parapaguara nga shteti.”, 393 “Detyrimi për shpenzimet”, 397 “Detyrimi i palëve private me shpenzimet procedurale” dhe 398 “Detyrimi i ankuesit me shpenzimet dhe me dëmet” të Kodit të Procedurës Penale.

³⁸ Shih nenet 408, 412, 415, 422, 425 e vijues të Kodit të Procedurës Penale.

³⁹ Shih nenet 463, pikën 1 dhe 486, pikën 1, të Kodit të Procedurës Penale.

⁴⁰ Shih nenet 487, 471 e vijues të Kodit të Procedurës Penale.

KREU V
SHKELJET DHE PËRGJEGJËSIA DISIPLINORE, ZBATIMI, HYRJA NË FUQI
DHE PUBLIKIMI

Neni 37

Shkeljet dhe përgjegjësia disiplinore

Shkelja e dispozitave ligjore referuese në këtë udhëzim të përgjithshëm dhe/ose moszbatimi i detyrimeve të përcaktuara në këtë udhëzim të përgjithshëm, kur nuk përbëjnë vepër penale, mund të përbëjnë shkelje disiplinore sipas ligjit⁴¹ dhe/ose shkak për nisjen e verifikimeve nga Sektori i Monitorimit në Drejtorinë e Koordinimit Institucional në Prokurorinë e Përgjithshme ndaj oficerit të policisë gjyqësore dhe/ose prokurorit të Prokurorisë pranë Gjykatës së Shkallës së Parë të Juridiksionit të Përgjithshëm Dibër, sipas ligjit.

Neni 38

Zbatimi


Ky udhëzim i përgjithshëm është i detyrueshëm për zbatim nga prokurorët dhe oficerët e policisë gjyqësore të seksioneve në Prokurorinë pranë Gjykatës së Shkallës së Parë të Juridiksionit të Përgjithshëm Dibër, oficerët e policisë gjyqësore të shërbimeve pranë strukturave hetimore përkatëse në Policinë e Shtetit (PSH) dhe përgjegjësi i sektorit të financës në Prokurorinë pranë Gjykatës së Shkallës së Parë të Juridiksionit të Përgjithshëm Dibër⁴².

Neni 39

Hyrja në fuqi dhe publikimi

Ky udhëzim i përgjithshëm hyn në fuqi menjëherë pas nënshkrimit dhe depozitimit në sekretari dhe publikohet në faqen e internetit të Prokurorisë pranë Gjykatës së Shkallës së Parë të Juridiksionit të Përgjithshëm Dibër.

DREJTUESHËR

ABAZ MUÇA


⁴¹ Shih nenin 101, pikën 1, shkronjat “a” e “b” dhe nenin 102, pikën 1, shkronjat “c”, “ç”, “d”, “dh”, “e”, “g”, “i”, “j” dhe “nj” dhe pikën 2, shkronjat “a”, “b”, “c”, “ç”, “d” dhe “dh” e vijues të ligjit nr.96, të vitit 2016 “Për statusin e gjyqtarëve dhe prokurorëve në Republikën e Shqipërisë”, të ndryshuar dhe nenin 89 e vijues të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.

⁴² Shih nenet 6, pikën 2 dhe 46 të ligjit nr.97, të vitit 2016 “Për organizimin dhe funksionimin e Prokurorisë në Republikën e Shqipërisë”, të ndryshuar.